

上虞縣誌（光緒） 二

上虞縣志卷五

列傳

名宦

度尙

漢

顧雍

三國

顏含

傅晞

周鵬舉

晉

王鎮之

卞延之

王晏

周洽

已上南
北朝

金堯恭

崔協

唐

王存

陳休錫

趙不搖

婁寅亮

江公亮

葉顥

子元泳

陳炳

汪大定

已上
宋

王璘

馬思忽

佛家
奴

張屋

智紹先

于嗣宗

張叔溫

林希元

李睿

韓諫

趙元齡

陳子暈

已上元

趙允文

鄭汝敬

蕭宏

馬慶

陳祥

汪度

楊紹芳

鄭芸

陳大賓

熊潢

羅尙德

李邦義

彭英

謝良琦

金九臯

胡思伸

徐待聘

濮陽傳

楊麟

溫汝舟

丁汝驤

李拯

余颺

已上明

劉方至

鄭僑

張殷

張逢堯

施繩武

崔鳴玉

周鏞

楊溯沂

徐廷鑾

龍澤濬

孫欽若

胡堯戴

漢

度尙字博平山陽湖陸人永嘉元年

據曹娥碑

除上虞長爲政

嚴峻明於發擿姦非吏人謂之神明

後漢書本傳

嘗擢門下書

佐朱雋恒歎述之以爲有不凡操雋後官至車騎將軍遠

近奇尙有知人之鑒

後漢書傳注

先是漢安二年孝女曹娥投

江求父屍死鄉人瘞之江邊莫之有表尙設祭誄之

曹娥碑

改葬娥於江南道傍爲立碑

後漢書列女傳

使外甥邯鄲子禮爲

碑文以彰孝烈

水經注

祀名宦

萬厯志○故洛陽市長淳于翼學問淵深志節高尚隱於

田里希見長吏尙往候之晨到其門匿不出見主簿白還不聽停車待之哺時乃得見尙禮極恭相與講道詢政劇談乃退此事出真誥萬厯志引之當補

三國

顧雍字元歎吳郡吳人弱冠爲合肥長後轉上虞有治績

三國志吳書本傳

晉

顏含字弘都舊志作弘卿譌琅邪華人少有操行以孝聞元帝過

江以含爲上虞令累除東陽吳郡太守所厯簡而有恩明

而能斷晉書本傳

傅晞北地泥陽人咸子有才思爲上虞令甚有政績卒於

司徒西曹屬

晉書傅立傳○萬厯府志其孫隆家上虞隆爲會稽征寇參軍博學多通尤精三禮仕終

戶部
尙書

周鵬舉字垂天會稽人爲上虞令有惠政

萬厯志

南北朝

王鎮之字伯重琅邪臨沂人父隨之爲上虞令鎮之初爲

琅邪王衛軍行參軍出補上虞令有能名後爲安成太守

母憂去職在官清潔妻子無以自給乃棄家致喪還上虞

舊基

宋書○南史作
還上虞舊墓

卞延之濟陰冤句人弱冠爲上虞令有剛氣會稽太守孟顗以令長裁之積不能容脫幘投地曰我所以屈卿者政爲此幘耳今已投之卿矣卿以一世勲門而傲天下國士拂衣而去

南史卞彬傳

王晏爲上虞令孔覲自會稽發兵反晏起兵攻郡覲率千餘人趨石澗

嘉泰會稽志

竄於嵒山村嵒山民縛覲送晏晏乃

斬之東閣外

南史孔覲傳

周洽汝南人歷上虞令廉約無私卒於都水使者無以殯

殮吏人爲買棺器

南史循吏傳

唐

金堯恭寶歷中令上虞堯恭於縣西北置任嶼湖與梨湖

灌田二百餘頃興利除害民甚德之

萬歷府志

崔協博陵人大中元年以戶曹攝上虞值歲大旱民賦無

所出協請蠲於上不許遂傾家資代輸之及卒邑人立廟

祀之

嘉靖浙江通志

今縣西六里崔公祠尙存

新纂

宋

王存字正仲潤州丹陽人慶歷六年登進士第調嘉興主簿擢上虞令豪姓殺人久莫敢問存至案以州吏受賕豪

賂它官變其獄存反爲罷去

宋史本傳

陳休錫建炎元年來知縣事時湖多廢爲田民訴害於府諭使者下其狀於縣休錫遂悉罷境內湖田使者以未得朝旨數窘之休錫不爲動是歲不登獨上虞得湖水之利

大稔

萬厯府志

趙不搖紹興初知縣時縣治毀於兵燹亟事創建各得其宜夏蓋等湖漸廢爲田大妨水利不搖白於朝悉復爲湖

民至今受其利

萬厯府志

與陳休錫並祀名宦

嘉慶志

婁寅亮字陟明永嘉人政和二年進士爲上虞丞建炎四

年高宗至越寅亮上疏請育太祖諸孫爲嗣

畧云先正有言太祖舍其

子而立弟此天下之大公仁宗感悟其說詔英宗入繼大統屬者椒寢未繁前星不耀臣欲乞陛下於子行中遴選太祖諸孫有賢德者視秩親王俾帝讀之感悟召赴行在牧九州以待皇嗣之生退處蕃服

擢監察御史秦檜惡之罷廢

宋史本傳

寅亮之先有丞江公亮

廉潔能文章作縣治朱娥廟二記人稱上虞二亮

萬曆府志○案

江公亮作朱娥祠記在政和三年較寅亮建炎四年上疏先十七年萬曆志誤以江爲汪以公亮爲寅亮之後今正

葉顥字子昂興化軍仙游人登紹興元年進士第知上虞

縣凡繇役令民自推貨力甲乙不以付吏民欣然皆以實

應催租各書其數與民約使自持戶租至庭親視其入咸

便之帥曹泳令今歲夏租先期送什之八願請少紓其期
泳怒及麥大熟民輸租反爲諸邑最泳大喜許薦於朝願
固辭乾道二年爲尙書左僕射同中書門下平章事薨謚

正簡

宋史本傳

子元泳復令上虞益田養士人稱濟美並祀名

宦

萬曆志

陳炳字宜之石門人令上虞有西溪湖瀦水利及三鄉中
廢爲田參政張綱嘗浚之刻石爲記歲久豪右復據夏大
旱民持綱所刻石請復湖豪右撓沮之炳奮曰令甯以罪
謫去必不忍畏避強禦委棄三鄉民命也卒浚復之百姓

歌曰前復湖張叅政後復湖陳縣令與我衣食全我命後

除提轄文思院卒

浙江通志循吏一引嘉興府圖記○案正統志炳傳炳號退菴長樂人紹興中

來知邑事德及士民校職合詞請與葉正簡並祠於學尙書陳塏爲置田泐祠立石萬厯康熙志均作長樂人嘉慶志職官表則云一作崇德紹興中任居官務行所學嘗著退菴文集十五卷與此不合附錄竢考

汪大定字季應鄞人淳熙中令上虞政務平易才敏而慮

周時魏王薨於四明使者旁午上虞通明堰最高潮水乍

至輒回喪舟不克濟大定乃相視地形復興舊閘增浚查

湖開支港創小堰以通餘舟募游手二百人別以旗色列

左右俟大舟入閘卽引湖水灌之水溢堰平衆力挽疾行

上虞縣志

卷五

餘舟畢濟民用不擾使者稱不絕口

萬厯府志

元

王璘字景文臨沂人前至元三十一年

據戴俞修學記改正尹上虞

冰蘖自守刑不妄施獄屢告空優老興學人皆德之

宏治府志

馬思忽至治二年

據戴俞修學記改正

達魯花赤時同僚皆尙嚴刻

馬思忽濟之以寬民田有坍江者糧額未除皆優使輸布

邑不產茶鄰境以官採侵擾馬思忽奏遏之嘗奉檄讞獄

他邑有持執政風旨俾上下其手馬思忽不聽枉直無所

失

萬厯府志

又有佛家奴

府志作拏

至正中亦爲監邑政令不擾四

境晏然萬厯志。正統志佛家奴自新昌再調斯邑至正壬辰之任言無妄施政無擅爲民皆愛之

張厚字德修成都人萬厯府志至治中尹虞廉潔無私請作臨沂人

託不行新學贍士嚴禁私陂邑以治聞萬厯志

智紹先字孝思蠡吾人後至元二年來尹虞先是民病私

鹽紹先殫心規畫轉運有方民不擾而課不虧鄰境以爲

法更勑譙樓修公宇多所建立萬厯志

于嗣宗字德元錢塘人至正初上虞尹以慈惠稱嘗勸民

出粟爲石隄捍海遺利甚遠萬厯府志

張叔溫雲中人至正八年來尹虞邑能文章命邑民集上

虞志 正統

林希元台州人博學能文章由翰林應奉出尹上虞在官廉介妻子恒有饑色人不能堪希元處之泰如也白馬湖最關水利每爲豪民所侵乃定墾田數湖始復舊旱潦咸賴之重建明倫堂續修邑志嘗請立箕子廟於遼東祀董仲舒於廟庭皆有功名教者卒於官貧不能殮邑士爲營葬所著有長林存稿祀名宦萬厯府志○正統志義士趙汝能營棺槨劉坦之捐山葬於瑞象之原康熙志福建人游寓天台登至正壬辰進士著西溪湖議并賦擢南臺御史命甫下而卒子貧不能歸家於虞

李睿字景明武安人

萬曆志作武平

至正間尹上虞和易有守歲

久旱方病目弗顧周視阡陌免其租稅

萬曆府志

縣有上妃白

馬夏蓋三湖爲前尹林希元墾復林去而湖復廢睿力復

之秩滿遭亂不歸卒葬於虞謝肅銘其墓

萬曆志

韓諫字自行天台人至正末尹上虞值兵興供億甚煩諫

調度有方民不擾而用足時有以夏蓋湖獻長鎗軍者諫

言於督軍郎中得寢又均西溪湖田定四等賦民咸利之

萬曆府志

趙元齡字子年宛邱人尉上虞先是縣官收職米率三倍